

De la nature & cure du
CHANCRE, SELON LES
*meilleurs autheurs tant Grecs
que Latins, par Benoit
Textor Medecin.*



A LYON,
PAR IEAN DE TOVRNES.
M. D. XXXXX.

Avec priuilege du Roy pour cinq ans.



Extrait du Priuilege.

Il est deffendu à tous Imprimeurs, & Libraires de non imprimer ne faire imprimer, ny exposer en uête ce present liure intitulé De la nature et cure du Châcre, selon les meilleurs autheurs tant Grecs que Latins, par M. Benoit Textor Medecin, iusques au bout & terme de cinq ans, uenans ensuyuans & consecutifs, cōmençans du iour & date de ces presentes, sinon par le congé & permission de Iean de Tournes Imprimeur & Libraire de Lyon, & ce, sur peine de confiscation desdits liures & damende arbitraire: ainsi que le tout est plus amplement contenu au Priuilege sur ce ottroyé, & donné à Fontainebleau le x x v i i. de Ianuier mille cinq cens quaranteneuf. Signé Bohier. Et seellé du grand Seau en Cire iaune.



AV LECTEUR.



L A S O I T que plusieurs bonset sauans Autheurs tant anciens que modernes ayent bien amplement et suffisamment escrit du chancre, neantmoins pource que tous ceux qui auroient bon desir & bon mestier de proufiter par les liures esquelz il en est ainsi traicté, ou ne les peuuent auoir à cause du prys, ou ne les congnoissent pas, ou lestreuuent obscurs par vne maniere descrire moins familiere, ou bien ne les peuuent entendre dautant que pour la plus part

ilz sont Grecs ou Latins , pour ceste cause taschant à l'utilité commune des Chirurgiens François, qui pour lignorance des langues ne laissent pas de executer par bonne pratique ce que leur est monsté en leur langage familier, iay bien voulu faire ce petit recueil en François le plus fidelement , le plus clerement & du meilleur ordre quil mha esté possible sur telle condition que si ie congnois que mon labeur leur soit agreable & vtile en cest endroit ilz pourront encore par cy apres auoir iouissance par mon moyen dautres choses bien bonnes Dieu aydant.

Au reste si ceux qui nont non plus souuent en la bouche que la maudifon du chancre , consideroient bien que cest dune telle maladie selon la peinture espouuentable dicelle que ie
mets

mets icy viuement deuant les yeux
dunchacun, ilz trouueroient assez ma-
tiere de detester dheure vne façon tant
sauuage: au lieu de laquelle, filz estoient
bien aduisez, non seulement ilz mon-
streroient par leur langue quilz ne de-
sirent point de mal à leur prochain,
mais aussi ilz trauailleroient & en faits
& en dits de promouuoir le bien &
proufit diceluy, comme porte le com-
mandement de Dieu: lequel ne
laissera point impunies
telles estrangetez
de parler,
si on
les continue. Ce dixseptieme
de Iuillet, mille cinq cens
quaranteneuf.





De la nature & cure du

CHANCRE, SELON LES

meilleurs Autheurs tant Grecs

que Latins, par Benoit

Textor Me-

decin.

*

Du chancre.

Description
de châtre nō
ulceré, & les
signes.
Gal. de tumo-
rib⁹ præter na-
turam.
Aegin. lib. 6.
cap. 45.
Tagault. li. 1.
Chirurgiæ.



H A N C R E

est vne tumeur
ou enflure dure,
inegale & rab-
boteuse ou sca-
breuse, ronde, en-
flee alenuiron,
horrible à voir,

de couleur obscure, car elle est plus noire que
phlegmone ou inflammation et moins chau-
de, resistant au doigt du Chirurgien, enui-

ronn

ronnee de tout pleins de veines pleines de sang melancholique, esleuees, apparentes, & estendues à la maniere des piedz descreuissse, plus tendues que en phlegmone, d'autant que l'humour qui engendre ceste maladie ne peult à cause de sa grosseur si facilement sortir de ses vaisseaux en la chair qui l'environne : lesquelles veines ne se monstrent point rouges comme en phlegmone, mais de couleur noire comme est l'humour contenue.

Au commencement la ^{maladie} matiere est fort obscure & difficile à congnoitre, entant quelle est comme vn pois cice ou vne feue. Elle croit bien soudain, et encōmence sans douleur, mais puis apres presque sans cesse elle tourmente le malade d'une douleur intollerable. Lors elle monstre ie ne scay quelle chaleur estrange. Tout autour il y ha vn sentiment comme de poinctes. Aucunefois le malade ny sent pas beaucoup. Quand on l'atouche, aucunefois

elle meine douleur, aucune fois cela nadiuent pas.

Du nom du
chancre.

Aëtius lib. 16.

cap. 44.

Acgin. lib. 4.

cap. 26.

Tagault. li. 1.

Ceste maladie en Grec & en Latin ha prins son nom de lescreuiffe pour autant quelle luy ressemble en beaucoup de manieres. Premièrement les veines quil lenvironnent de tout costé à la maniere des piedz descreuiffe, qui se desploient dune mesme source dune part & dautre, se spandent & estendent en telle maniere que vous diriez que ce sont iambes descreuiffe. Secondement ladite maladie comme si cestoit vne escreuiffe qui tient obstinément en quelque lieu de ses iambes avec tres grande difficulté est arrachee des membres quil ha vne fois saisi. Tiercement elle appert de telle couleur, dassperité, & de durescé ainsi obstinee que ceste beste. Pour conclusion elle se monstre ainsi comme vne escreuiffe, elle resiste ainsi au touchement, & se traicte ainsi à peine.

Il y

Il y ha deux principales differences de chancre. Lun est sans vlcere vulgairement appellé apostemeux & quasi de tous les anciens chancre occulte. L'autre est exulceré ou escorché. En oultre il y ha chancre ^{superficiel} & qui tient au cuir. Il y ha chancre ^{qui tient au profond du membre} qui tient au profond du membre comme es intestins ou boyaux, en la matrice, au fondement et au palais. Philoxenus appelloit vn tel chancre occulte, lequel iensuis en cela. Il y ha en apres chancre recent ou nouueau, & chancre inueteré, petit chancre, & grand changre, chancre moins mauuais & chancre plus rebelle, lesquelles especes ie poursuiray toutes par ordre cy apres.

Les differences de châcre. Aëtius lib. 16. cap 44. Aegin. lib. 6. cap. 45. Gal. de tumorib⁹ præter naturā, & secundo ad Glauc.

La cause du chancre.

LA CAUSE du chancre est melancholie fichee en la partie apres son ebullition. Celle qui est plus douce ou moins

Galen de tumoribus præter naturā, & ad Glauc. 2. Acakia ibid.

Aegin. lib. 4.
cap. 26.

Guido. lib. 2.
Tagault. li. 1.

mauvaise, & qui ha seulement acquis quelque ancreur est cause du chancre non vlcéré. Mais celle qui est plus ^{ancr} ancre & plus maligne engendre le chancre vlcéré; ainsi comme celle qui l'est extrêmement fait le charbon.

Les membres
pl⁹ subietz au
chancre.

Gal. secundo
ad Glauc.

Acakia ibid.

Aegin. lib. 4.
cap. 26. & li. 6.

cap. 45.

Tagault. lib. 1.

Le chancre aduient en plusieurs parties du corps comme en la face, es yeux, es oreilles, mais principalement es parties lasches, de plus rare texture, fongueuses, & glanduleuses, & lesquelles sont promptes à recevoir ceste grosse matiere de melancholie comme sont les narines, les leures, & les mammelles. Mais toutefois il est plus familier es parties honteuses de la femme & es mammelles dicelles. A telle maladie ceux là sans nulle doute sont plus subietz, lesquelz sont de complexion melancholique, ou qui vsent de semblable maniere de viure, ou qui habitent en telle region. Les femmes en sont

Ceux que le
châcre assaut.

Gal. ad Glau.
2. & Acakia
ibidem.

Aëtius lib. 16.
cap. 44.

Guido. lib. 2.

en sont plus souuent entaschees que les hommes, principalement celles qui ont les mamelles plus grosses & plus charnues, item tous ceux qui ont le foye trop chaud, principalement si avec cela la rattelle est si debile quelle ne puisse deüement attirer ceste lie de sang : en apres quand les menstrues ou les hemorrhoides sont trop longuement retenues es personnages qui y sont accoustumez, brief tous ceux esquelz toutes ces choses ou aucunes dicelles se treuvent.

La curation.

TO V T chancre est quasi incurable ou tresdifficile à guerir veu que de tout son genre cest vne tresmauuaise maladie, cest vne ladrerie particuliere.. Pour ceste cause incontinent & des le commencement du mal il est tresnecessaire de bailler hastiement secours deuant quil soit enraciné au
memb

membre. Car comme tantost ie diray celuy qui est creu excessiuelement, ne se peult abolir que par le fer, & le plus souuent il demeure incurable : pource que ceste humeur de sa grosseur resiste obstinément & sans grand allegement à toutes manieres de remedes soient repercuissifz, resolutifz ou laxatifz.

Aëtius lib. 16.
cap. 46.

La partie ou est le chancre requiert destre doucement traictee, & de nestre point chargee de beaucoup d'applications. Parquoy il fault icy euiter les emplastres & ceroines trop solides: & de paste trop ferme & emplastique en tant que de leur dureté ilz oppressent le membre & sont dolo-reux. Les liniments doux & molz sont conuenables telz que ien ameneray cy apres plusieurs. Il fault maintenir bon ventre par viandes propres à cela, item par aloë & par la hieie qui se fait dicelle, ou par rheubarbe, ou par casse. Souuent il con-
uient

Idem cap. 48.

uient prendre de medecines contraires aux
 venins, nous les appellons contrepoisons, com-
 me Theriaque ou Mithridat. Des plus
 simples appartenans à cela sont celles qui
 sensuiuent. Sang de canard ou doison à boi-
 re tout chaud de la beste frais tuee. Ou vne
 drachme ou deux de *trifolium fœtidum* en
 pouldre prinse avec de l'au. Ou semence de
 rue sauvage, ou puliot en telle quantité prin-
 se avec brouet de mauue : ou brouet des cre-
 uisses avec laict d'Asnesse prins par l'espa-
 ce de cinq iours, en mengeant autant de
 iours des escreuisses, ce qui est merueilleuse-
 ment vtile. Auoir par sept fois acheué vne
 telle periode asauoir apres que le personnage
 malade aura vsé sept fois cinq iours de ces
 deux remedes (sont quarante iours) les chan-
 cres des māmelles seront grandement appai-
 sez, tellemēt que par apres il ne faudra que
 simples applicatiōs pour recouurer guerison.

Du chancre recent ou nouueau,
non profond ou non caché,
mais superficiel, & qui se tient
au dessus des parties qui n'est
encore vlcéré, lequel Galien
appelle chancre occulte.

Galen. 2. ad
Glauc. & Aca-
kia.

CHANCRE nouueau souuent ha esté
gueri par Galien comme il recite au
second liure à Glaucon, & ce principale-
ment quand le sang melancholique n'est pas
fort gros, lequel ne resiste tant aux medeci-
nes laxatiues qui doiuent souuent estre ite-
rees iusques le membre du chancre soit to-
talement reduit en son estat naturel. Il fault
donq icy diligemment veiller & secourir
auec regime ou maniere de viure de bonne
& louable nourriture & non point grosse
veu que par abondance la viande se cor-
rompt en telz corps facilement. Que le per-
sonna

sonnage nen soit point excessiuement es-
 chauffé : mais plustot refrigeré & humecté
 principalement si le mal est aduenü par
 chaleur immoderee de foye. Il euitera tou-
 tes choses aigues salees, ou vinaigrees. Fina-
 lement il euitera toutes choses qui engen-
 drent humeur melancholique comme vin
 gros, noir, plein de lie, vinaigre, pain trop
 bis, lentilles, feues, choux, fromage vieil &
 pourri, chairs vieilles ou gardees en sel,
 chair de bæuf, de cerf, de chieure, de vieil
 lieure, noix, trop grande abstinence, veilles,
 labeurs excessiues mesme par la chaleur
 tristesses, soucis. Il fault vser dorge mundé ou
 de grains dorge cest tout vn: et pour les pota-
 ges de mauue, darroche ou choux armoux,
 de blette, de spinal, de laitue, doxeille, de
 porchaille ou poulpier, de cichoree, de lupu-
 lus ou obelon, de violettes de Mars, de bor-
 rache, de courdre, de cocombre, de petit lait,
 de mout

Galad Glau-
 con. 2.

Aegin. lib. 4.
 cap. 26.

de mouton, de cheureau, de veau, de tous oiseaux sinon aquatiques: de poissons de grauier, d'œufz mollers, de vin blanc ou cleret de mediocre vertu. Secondement la phlebotomie est requise si la force & la age y consentent. En tiers lieu il fault prouoquer les menstrues si cest vne fille ou vne femme qui soit daage requis, pareillement les hemorrhoides si le personnage y est subiet. En quatrieme lieu la matiere ou la cause antecedente du chancre asauoir la melancholie doit souuent & par fois estre purgee apres estre deüement alteree ou digeree: car telle humeur ne peult estre soudain & à vn coup arrachee. Au sixieme lieu ie mets les contrepoisons desia recitez. Au septieme les remedes locaux asauoir qui sappliquent au chancre lesquelz sont de trois manieres. Les vns sont pour conforter le membre. Les autres repoulsent lhumeur adherente en la
partie

partie nous l'appellons vulgairement cause
coniointe. Les autres la digerent ou resol-
uent. Ilz ne fault point que aucuns de ces
remedes soient aspres & mordants ains
fault quilz soient mediocres doux & be-
nins. Au commencement tant au temps
de la purgation comme apres icelle les re-
percuſſifz ſont requis. Les repercuſſifz &
les reſolutifz doiuent eſtre conioints apres
mediocre purgation. Apres auoir fait en-
tiere & exquiſe euacuation : il fault venir
aux reſolutifz. Sen ſuiuent maintenant tou-
tes ces manieres de remedes locaux par or-
dre. Suc de morelle qui reſrigere & repoulſe
& eſt de ſinguliere vertu, en ce cas ſi on y
trempe vn linge ou drapeau double pour
appliquer en mettant deſſus de laine bien
molle ou de cotton ſouuent arroſe du meſme
ſuc. Pour ceux qui vont dehors ſeront plus
conuenables emplaſtres ou vnguens telz

Les remedes
locaux.

que sensuiuent : comme lemplastre fait de
pompholygis lequel repoulse & deseiche, &
est aussi apte aux chancres vlceres. Em-
plastre dit diachalciteos vulgairement dia-
palma, lequel conforte & resout. Un autre
remede: litharge & ceruse se broyent au So-
leil en mortier de plomb, avec piston de
plomb & huile rosat., iusque l'unguent aye
acquis la couleur du plomb.

Vnguent repêrcussif &
resolutif.

Rx. Plumbi vstieloti.

Pompholygis.

Thuris sing. 3. ij. s.

Absinthij pontici. 3. s.

Olei ros. 3. ij.

Ceræ 3. vj.

Succi solani quod sit satis ad vnguen-

ti crassitudinem.

Carap

Cataplasme resolutif. & vn peu
styptique contre chancre non
viceré, & tumeurs chancreu-
ses.

L SE fait de pain avec vn peu de sym-
phytum magnum, vulgairement consoli-
da maior, & huile rosat : en euitant comme
dit est, que la partie ne soit greuée de trop
grande quantité.

Aëcius lib. 16.
cap. 49.

Autre cataplasme à ce mesme es-
aces doloieux pour appai-
ser, resouldre & vn peu re-
straindre & conforter.

L RECOIT roses, melilot, semence de
Ipaut, autant d'un que d'autre broyez en-
semble, puis apres cuits avec vin cuit, en ad-
ioustant moyeux d'œufz incorporez petit à
petit avec le reste.

Autre cataplasme doucement
non resolutif.

DE FVEILLES de bimaue, dire
Althea, seules ou meslees avec mie de
pain & beurre fraiz.

Autre cataplasme sedatif de do-
leur, repercussif, & quelque
peu resolutif.

IL SE fait de plantain, de testes de pa-
uot avec leur semence, & de semence
psilly autant dun que dautre. Il fault le
tout broyer & cribler excepte psyllium, du-
quel & de bon vin cuit ferez mucilage, la-
quelle après que laurez broyé avec dattes
bien grasses vous lincorporerez avec les poul-
dres, en adioustant vn peu de gresse doison.
Ce cataplasme est seuremēt appliqué chaud.
Que si la nature de la maladie le demande

pluſtot froid que chaud, vous ferez comme il ſenſuit : Les trois médicaments nommez ſubtilement pulueriſez & criblez, aſauoir plantain, pauot, & pſyllium, ſeront incorporez avec la poulpe de dattes, & vn peu de mie de pain blanc mouillée, & ferez cataplaſme pour appliquer froid.

Autre cataplaſme fort reſolutif
contre diſpoſitions chan-
creuſes.

IL ſe fait de ſemence de eryſimum avec
Iæſypus, vulgairement hyſſopus humida
& hydromel, & ſera chaudement appliqué.

Autre cataplaſme qui eſt bon
auſſi pour mitiguer les do-
leurs des vlceres malins, du-
quel luſage longuement con-
tinué reſoult merueilleuſe-
ment.

IL SE fait de fueilles tendres de fresne
 cuites avec eue, puis apres bien pistees,
 lequel sera chaudement appliqué. De la de-
 coction desdites fueilles sera fort vtile faire
 fomentation en la partie: puis appliquerez
 derechef cataplasme de plantain. Il y ha
 aussi dautres emplastres à cela, lesquels
 Aetius décrit, asauoir Hicesion, & vn au-
 tre nommé *Panacea nigrum*, qui est tres
 souef & doux.

Emplastre diapompholygos de
 Theodoric, pour empescher
 ou oster la corrosion du chan-
 cre. Il est repercussif, refrige-
 ratif, & desiccatif.

Tagault. lib. i.

R. *Olei rosacei boni.*
Ceræ albæ añ. 3. ij. s.
Succi granorum rubrorum solani.
3. ij.

Ceruse

Ceruse lota. 3. j.

Plumbi ysti loti.

Pompholygos vulgo tuthia añ. 3. s.

Thuris maris. 3. ij. Fiat emplastrũ.

Vnguent d'Apolonius contre les
chancres: qui est aussi fort vti-
le cõtre la tigne, que les Grecs
appellent achores, les Latins
manantia capitis vlcera.

PRENEZ neuf onces ou ce que vous
voudrez de bon huile rosat, ou de celuy
que nous appellons omphacinum, qui se fait
doliues non meures. Mettez le en mortier
de plomb & le broyez fort au Soleil avec
piston de plomb, iusques il se spaisisse & de-
uienne noir cõme plomb. Puis broyez à part
litharge, & ceruse preparee selon la quan-
tité de lhuile, avec lequel les meslerez com-
me il appartient & ferez vnguent bien mol.

Emplastre de Paulus Aegineta
& d'Auicenne, ou pouldre
d'Archigenes.

IL SE fait descreuissés, principalement
en adioustant egale portion de cadmia,
ou des deux on peult faire pouldre pour lu-
sage. Mais il me semble quil faudroit auoir
des vrays cancri, qui nont point de queüe,
lesquelz on ne treuve pas en ce pais. Car noz
escreuissés ne sappellent pas proprement can-
cri des Latins : mais gammari en Grec &
en Latin.

Aduertisse-
ment.

Que si tout chancre est tant rebelle de
sa nature que ceux qui encommencent seu-
lement ne se guerissent pas tousiours, com-
me il appert par les paroles de Galien à
Glaucou, que fault il estimer dun chancre
inueteré? Parquoy touchant le chancre
combien quil ne soit pas vlcéré ny profond
qui

qui est encore pire, ains superficial : neant-
moins sil est grand & desia inueteré, tout
ce que nous pourrons faire cest dempescher
quil ne croisse : car de le guerir entierement
il ny ha ordre.

Du chancre menu.

SI VN tel chancre se peult commode-
ment empongner & sans le dommage
du membre ou il est, Auicenne conseille
quil soit arraché de fons & de racine par
incision, apres laquelle le chancre sera trai-
té comme il sera declaré cy apres.

Du chancre qui est grand, inue-
teré, & rebelle, ou aussi qui est
escorché, & ne se peult guerir
que par Chirurgen.

COMME ainsi soit que le chancre
nouveau ne se guerisse pas tousiours,

Galad Glau-
con. 2.

Acakia in cō-
mentario.

Tagaultius.

comme dit ha esté, ce n'est de merueille si ce-
luy qui est vieil & grand, se treuve tant
rebelle, quil ne puisse ceder aux remedes les
plus vehemens comme est incision & cau-
tere desquelz plustot il siccite dauantage.
Toutefois puis que nous nauons autre voye
pour vrayment guerir vne telle maladie
que la Chirurgie ou loperation manuelle, en
tel estat si le malade est tant fasché &
tourmenté de son mal, que de son propre
vouloir il demande ayde au Chirurgien.

Tagault. lib. i.

Lors si le chancre est en lieu ou lon puisse in-
ciser & cauterizer à fin quil soit totalement
extirpé avec sa racine, quelque grand quil
soit il doit estre incisé alenuiron iusques aux
parties saines esquelles il tient & en telle
maniere arraché iusques au fond. Les ra-
cines du chancre ce sont veines pleines de
sang melancholique & qui sont estendues
de toute part es lieux voisins. Or iasoit que
Galien

Galien & Auicenne apprennent telle curation : neantmoins pource quelle est perilleuse, & que le chancre grand & inueteré ne peult seurement porter ne le cautere ne la lancette ou le rasoir, en tant que du costé de l'incision il est à craindre de grand flux de sang au membre qui ha de grans vaisseaux & principalement de grandes arteres, touchant le cautere il y ha danger pour la partie noble voisine, dun costé & d'autre la corrosion sen ensuit tousiours plus grande & consequemment la mort, pour ces causes il ny fault pas ainsi aller à la volée. Ce sera assez de seulement empescher que la maladie ne saugmente, ce que se fera en partie par maniere de viure dessus ordonnée, en partie par legeres & douces applications, par lesquelles plusieurs ont atteint la dernière vieillesse, mais qu'on ny fasse aucune violence : pour le moins nous obtenons cela que
la san

la sanie se nettoye ainsi. Somme, il fault doucement traicter le mal laquelle maniere est seure & moins subiette à calumnie. Au contraire si la maladie est irritée par médicaments trop forts & aspres, la mort sen ensuit tantost. Il appert assez par expérience que le chancre ainsi guéri, apres avoir eu cicatrice tantost apres est retourné plus grand & pire que devant avec la mort. Plusieurs neantmoins ne sont point diuertis dune telle curation, & ne craignent point d'attenter vne œuvre si serieuse & perilleuse: mais quilz regardent bien l'issue. Que si la Chirurgie est totalement necessaire en cest endroit, elle est conuenable apres leuacuation, tellement que, comme iay dit, tout ce qui est corrompu soit du tout retrenché, & quil ny demeure point de racine. Apres vne telle incision il fault laisser couler ce gros sang exprimé de tout costé en pressant les parties

parties voisines : puis venir au cautere pour dissiper & consumer le reste de la matiere, pour conforter le membre ; & empescher leffusion du sang. Apres cela il conuient parfaire la cure à la maniere des autres vlcères.

Du chancre occulte, comme de la matrice ou autrement contumace & rebelle, & qui refuse layde manuelle.

LE CHANCRE occulte, ou qui est en lieu qui ne peut estre cauterizé, ne incisé avec la racine du mal, ou qui est prochain d'une partie noble, ou qui est en un personnage debile, ou craintif & de petit courage, ou par lequel estant gueri par incision ou brulure il y ha danger de plus grand mal, brief le mal estant tel que combien quil ne se peut autrement guerir, que par operation

Tagault.lib. 2.
Chirurgia.

tion manuelle ; neantmoins elle est dange-
reuse, lors fault empescher quil ne saugmen-
te : ce que nous obtiendrons principalement
par bon regime dessus escrit, qui refrigerer &
humecte à cause du foye excessiuement
chauld & sec, qui engendre sang gros &
melancholique, & pour tant doit estre corri-
gé petit à petit, item en sabstinant de choses
aigues, & de toute repletion. Secondement les
euacuations commodés sont requises comme
phlebotomie administree pour interualle
pour euacuer ce gros sang moyennant que
la age & autres choses ny empeschent. Puis
sensuira la medecine purgatiue. Si cest fille
ou femme da age competente, on prouoque-
ra les menstrues, pareillement les hemor-
rroides en ceux qui y sont subietz. Apres
ces choses restent les remèdes locaux doux
& benins, non point vehemens & agas,
par lesquelz il puisse estre irrité, & empiré.

Par

Par ainsi on appliquera sus le mal les remedes telz que iay dit cy dessus, asauoir qui appaisent la douleur, qui confortent la partie, à fin quil ne flue rien dauantage en icelle, item qui refrigerent & desseichent, mais qui ne mordent & irritent. En ce cas icy donq nous auons suc de morelle, ou le aue distillee, dicelle au lieu du suc. Le plomb brusté & laxé. Unguent blanc. Unguent de litharge & de plomb brusté. Emplastre de pompholyx ou de tuthie ou diachalciteos. Les eaues camphrees. Les sucz broyez au mortier de plomb. Lame de plomb qui ha une tresgrande & incredible vertu contre le chancre vlcéré.

Contre les douleurs & tourmens
des chancres.

MAUVE ou bimaue broyee avec
claret & un peu dhuile rosat en maniere

niere de cataplasme.

Autre cataplasme.

IL SE fait de figues, melilot, rue, encens,
& fueilles de naue ou de raue diligem-
ment pistez avec huile.

Autre cataplasme.

DE DATTES cuites avec vin cuit
en adioustant moyeux dœufz & fa-
rine dorge.

Autre cataplasme.

DE PAVOT avec coriande ou avec
centinodia cichoree.

Autre remede de Guidon pour
appaier la malignité & la
fallace louvine du chancre.

VNE piece de scarlate appliquee.

grece

Autre

Autre remede.

CHAIR de poulle mise dessus comme
emplastre.

Autre remede.

FIENTE humaine & aneth ensemble
bruslez & mis en pouldre à appliquer
sus le mal.

Autres remedes à ce mesme.

SCABIEVSE, ou trefle de pré, ou ver-
Sbasum, vulgairement tapsus barbarius
ou herbe Robert, pour appliquer.

Du chancre occulte & profond.

SI ON ny fait rien, le malade viura plus
longuement, si on y applique medecine
il s'empire & le malade ne languira pas
beaucoup: selon Hippocrates en l'Aphorif-

Aegin. lib. 6.
cap. 45.

me XXXVIII. du sixieme liure, là ou il dit: Cest pour le mieux de ne point attenter aucunement la cure de tout chancre occulte, en tant que ceux qui sont medecinez meurent pluſtot: ceux qui ne le ſont pas viuent plus longuement. Et Galien au commentaire afferme ce que auſſi lexperience monſtre, ceſt que telz chancres par incifion ou par cautere ſont irritez dauantage, & en brief ameinent la mort. Parquoy ſoyons icy contents de medicaments les plus doux qu'on pourra trouuer.

Du chancre vlcéré.

AFIN que ie ne repete icy des notes deſſus dites, que le chancre vlcéré ha cōmunes avec celuy qui ne leſt pas, comme douleur, durté, tumeur, ceſt vn vlcere rongé, inegal, & raboteux, grandement ſordide, ayant leures groſſes, dures, noueuſes, enuerſées,

Aëtius lib. 16.
cap. 44.
Aegin. lib. 3.
cap. 67.
Tagault. li. 3.
Guido lib. 4.

uersees, esleuees, cauerneuses, horrible,
 trespuant, ayant vn amas dhumeurs fort
 facheux. Si aucun semble estre pur, il est
 toutefois comme plein de lie, de couleur
 obscure, aucunesfois rouge & sanglant, du-
 quel continuellement sort sanie clere, aqueu-
 se, noire, ou rousse, puante. Il est appellé vlce-
 re maling & sauuage à la maniere de tel-
 les bestes à qui il ressemble. Car cest vne
 maladie fort reueche, rebelle, intractable,
 laquelle se aguise, & se fait plus cruelle par
 medecine & traictement de mains.

Quant à la cure, &c.

IL FAULT premierement euacuer. Tagault. li. 3.
 lhumeur melancholique, & observer
 les autres choses dessus dites au chancre re-
 belle & enuieilli. Apres cela tout le chan-
 cre doit estre totalement arraché, si la
 partie le peult porter, tellement quil ne reste
 C 2 point

point de la racine, & qu'on laisse couler ce sang gros et melancholique sans le retraindre incontinent, mais qu'on presse avec le doigt les parties voisines pour l'exprimer & faire sortir. Ces choses estre faites il conuient proceder à la maniere des autres vlceres, comme il est escrit au quatorzieme de la Methode. Autrement auoir arraché le chancre & exprimé le sang, le lieu est cauterizé comme aucuns font. Autrement, mais que la partie ny empesche, le chancre soit premierement cerné ou incisé alentour, puis incontinent soit cauterizé iusques au vif. Finalement qu'on y applique avec alum & huile de lygustrum, cantharides puluerisées, comme font aucuns. Entre chancres vlceres ceux là tant seulement se peuuent inciser ou cauterizer, lesquelz occupent le cuir, & lesquelz faschent tant les malades, quilz sont contraincts de demander layde
du

du Chirurgien : dauantage, lesquelz sont en telles parties quil est impossible de les inciser & cauterizer avec les racines. Il y en ha qui obmettent lincision & le cautere actuel pour vser de medicaments fort corrosifz, que nous appellons ruptoires, avec lesquelz ilz extirpent & destruisent le mal : laquelle maniere de faire ie napprouue pas pour les causes que ie diray tantost. Guidon et Theodoric louent grandement à cela larsenic sublimé, comme vn remede tres excellent & tres seur. Les parties qui enuironnent le chancre doiuent estre preseruees dinflammation & daffluence dhumeurs avec quelque remede conuenable à mettre dessus, comme bolus Armenia, principalement quand on applique ces medicaments caustiques. Leffect ou loperation de larsenic se congnoit par la tumeur du lieu & par la demeure de trois iours. Apres que larsenic ha be-

C 3 songné

songné il fault appaïser la douleur & procurer la cheute de lescharre. Le chancre estre esteint & arraché avec sa racine, l'ulcere qui demeure sera gueri comme les autres vlceres caues. Les signes que le chancre est esteint & mortifié sont telz: Quand on void vne chair bonne & saine, sans aucune sanie ou aquosité veneneuse, & sans aucune pueur en la partie malade.

Lunguent d'Archigones contre
chancres vlceres.

Aëtius lib. 16.
cap 48.

℞. Lithargyri.

Adipis suilli recentis.

Cerae albae añ. 3. ij.

Olei probi. L. ij.

Vitellos ouorum tres.

La maniere de faire lunguent.

La litharge se broye avec mediocre quantité

tité de aue. Puis apres en adioustant vn peu dhuile, les moyens dæufz sont meslez ensemble. La xunge ou graisse de porc apres auoir osté ses fibres, ou filaments & pollicules se piste au mortier, & estre bellement fondue avec la cire doit estre coulee. Ces choses estre refroidies, le reste de lhuile sadiouste petit à petit, puis le tout se broye ensemble au mortier bien exactement et curieusement. Quand il est question duser dudit vnguent, il y fault adiouster huile rosat pour le faire plus doux & plus liquide: duquel lusage sera avec laine bien molle & deliée ou avec cotton, en maniere de charpie. Si lulcere est sans douleur, il est bon dy adiouster les drogues qui sensuyuent:

Iridis. Myrrha.

Aristolochia añ. 3. ij.

Il est bon aussi pour appliquer aux chancres non vlceréz.

Autre vnguent bien doux pour
les chancres vlcerez, lequel
aussi est sedatif de douleur en
ceux qui ne sont pas vlcerez.

R. *Cera bona.*

Terebinthina.

Adipis taurini.

Medullæ ceruinæ, vel vitulinæ re-
centis.

Olei ricinini.

Rosacei nouorum.

Adipis anserini recentis.

Mellis electi.

Thuris.

Diphrygis, vel pompholygis ana par-
tes æquales.

Oesyti triplum.

Sans le thus l'Autheur lestime plus
doux, avec iceluy il est plus resolutif & ma-
turat

turatif, & conuient mieux aux chancres
non vlcerez.

Autre remede de Theodorus
contre les vlceres malins:le-
quel est plus sedatif que lau-
tre.

*Rx. Spodij cyprij eloti & exiccati vel tu-
thie.*

Plumbi vsti loti.

Succi rosarum añ. 3. s.

*Mesle ensemble & en vse avec huile
rosat.*

Liniment merueilleusement ver-
tueux contre rongemét grand
& ambulatif du chancre, &
pour arracher toute la mali-
ce diceluy.

*Rx. Rhu confectorum corij seu sumach
sextarios ij.*

c s Pilul

Pilularum cupressi. 3. iiij.

Callarum immaturarum.

Cassia añ. 3. j. s.

*Vini Adriani, id est, adstringentis et
odorati antiqui sextarios quinq.*

Toutes ces choses ensemble brisees, seront trempées au vin par trois iours & seront cuites iusques à la tierce ou quarte ebullition en le fort remuant avec vne spathule de cypres. Puis auoir tout diligemment exprimé & ietté le mag au loing le suc se cuira en espaisseur de miel, pour estre gardé en apres en vaisseau de voirre. Ce liniment sera mis en vsage tout pur, & sans estre meslé contre le mal nommé, en adioustant quelque fois quelque peu de vin. Si le médicament se trouue trop espais, il le fault fort liquide pour le mal qui occupe la partie honteuse de la femme, asauoir le col de la matrice. Si on le dissout avec laiët d'Asnesse,

nessé, il mitigue la douleur, & si est vtile à toutes autres escorchures, ambulatiues & extensiuës, sans quil induise inflammation. Il est bon pour deseicher les oreilles des long temps subiectes à vne sanie obstinee, item pour genciues gastees & fletries, item contre vlceres difficiles & qui ne se peuuent cicatrizer, sinon à grand peine si on le mesle moderément & raisonnablement. Mais comment est ce que les remedes benins resisteront à vne telle maladie, à laquelle les plus aspres et sauuages obeïssent? Ledit liniment se pourra preparer comme il sensuit:

R. Rhu, id est, sumach. L. j.

Pilularum cupressi. ℥. iiij.

Gallarum immaturarum.

Cassie añ. ℥. j.

Vini Adriani, id est, adstringentis.

L. iiij.

A la declination du mal la theriaque
meslee

De la nature
du chancre vl
ceré.

*vingt huit ans
de andr. effranc.*

avec cotton. Item elle est de tresgrande
efficace contre telles maladies si elle est bue
avec vin cuit : pareillement les autres com-
positions contre la morsure des serpens &
les bruuages venimeux. Il nest pas bon d'im-
duire cicatrice au chancre vlcéré deuant
que toute dureté soit ostee en appliquant
aucunefois charpies & emplastres matu-
ratifz. Mais à fin que ie prononce
vrayement que cest dun chancre vlcéré, soit
tel de nature ou par accident, comme ainsi
soit quil ne tiene conte des doux remedes,
mais aucunefois ne les peult à grand peine
souffrir, & toutefois il ne peult estre gueri
que par medicaments forts, & vehemens,
lesquelz neantmoins le font pire comme il
appert, & de soymesme desia il se corrode de
plus en plus, sans quon y ayde : puis quil est
ainsi

ainsi craindray ie de lestimer incurable ?
Que si on treuve quelque chancre vlcéré
qui se guerisse, il nest pas profond ny occulte,
ains occupe le cuir & la superficie, lequel
comme ha esté dit, est osté par incision ou
par cautere, moyennant que la partie le
puisse commodement porter, & quil se puisse
resequer & cauterizer avec ses racines. Fi-
nalement que le malade par limpatience
du mal soit de soy mesme poulse à vser de
telz remedes. Voila les conditions quil fault
observer pour esperer bonne issue. Aëtius
au liure sixieme, chapitre quarantequa-
trieme, parle du chancre vlcéré en la ma-
niere qui sensuit : Le chancre vlcéré ne cesse
de ronger & de miner au profond, il ne se
peult arrester, il iette vne sanie plus mes-
chante & plus vileine que tout venin de
serpens, abominable dabondance & de
pueur, lequel baille des douleurs fort poin-
gnantes.

gnantes. Il est principalement irrité & em-
piré par medicaments appliquez & par le
traictement des mains. Tagault en sa
Chirurgie avec plusieurs autres en iuge
ainsi: Le chancre exulceré soit de sa na-
ture ou par medicaments corrosifz, est tres
mauuais, & totalement inepte à vraye cu-
ration. Car veu quil ha besoing de medica-
ments mordants & aspres pour sa parfaite
guerison, il est plus indigné & irrité de telles
applications. Iay dit vn peu deuant que ie
impreuue principalement les medicaments
caustiques vulgairement dits ruptores les-
quelz sont grandement contraires à tout
chancre & principalement à celuy qui est
aupres du cœur comme es mammelles, la
raison est quilz incitent douleurs cruelles, veil-
les, abstinences trop grandes, fieures languis-
des, & apres que ceste ordure est vne fois
esmüe les rongemens se font tousiours plus
grans:

*grans : dont finalement la vertu estre ainsi
abbatue le corps se consume petit à petit.*

*Des chancres de la teste, du col,
des espaulles, de la poitrine,
des aisselles, & des aynes.*

TOUTS telz chancres sont du tout desplo-
rez & incurables. Car avec ce quilz
ne se peuuent parfaitement arracher, il est
à craindre que pour la grande effusion du
sang le malade ne nous meure entre les
mains. Mais ceux qui tiennent au dessus
du pubeau de la mammelle se guerissent fa-
cilement en retrenchant la partie contami-
nee du mal.

*Aëtius lib. 16.
cap. 45.*

*Description du chancre non vl-
ceré en la mammelle.*

CEST vne tumeur fort grande, qui re-
siste au touchement, inegale & sca-
breuse,

*Aëtius lib. 16.
cap. 44.*

breuse, ayant vne cruauté de beste sauvage, obstinément enracinee iusques au fond de la partie, estendant ces racines loing & large, estant comme attachee aux veines voisines lesquelles elle monstre de tout costé variqueuses & enfles. Elle est de couleur cendree tendant à couleur purpuree, ou violette, ou de couleur obscure. Selon le regard elle semble estre molle, mais au toucher elle se treuve tres dure. Elle est avec douleurs pognantes & loing esbandues, tellement que par consentement elle excite des bubons malins es aisselles lesquels respondent & atteingnent iusques aux espaules & iusques à la clavicule.

La Chirurgie du chancre qui est en la poitrine de la femme, selon Leonida Aëtius au liure xvi. chapitre xli.

La mal

LA MALADE *estant couchee sus son dos la partie saine de la mammelle qui est par dessus le chancre se incise avec rasoir. Apres estre incisee soudain elle est cauterizee avec le fer, à fin quil se fasse escharre ou crouste qui empesche flux de sang. Tantost apres derechef on fait incision au mesme lieu, en scarifiant vne fois ou deux iusques au profond de la mammelle. Pour la cause desia dite on applique derechef le caute-re. Les deux remedes se repetent souuente-fois, asauoir lincision & ladustion. Apres larrachement entier toutes les parties se cauterisent iusques à desiccation de la partie. Par ainsi les premieres cauterizations seruent pour restraindre le sang, les dernieres pour abolir toutes les reliques de la maladie. En tumeur de mammelle, qui est comme escrouelle, & menasse du chancre, souuent lincision suffit iusques à la partie*

D saine

etius lib.16.

p.47.

es choses à
ire apres q
chancre est
raché.

saine sans rien cauterizer mais quil ny ayt point de danger de flux de sang. Apres larrachement fait par incision sans cauter, il fault tascher à suppurer par applications faites sus lulcere. Cela estre fait la cure desiccative est requise telle quelle convient à lulcere. Les choses qui sensuiuent appartiennent au cauterizement qui se fait apres lincision. Cataplasme de plantain, ou de polygonon, vulgairement centinodia, ou de sesame pisté en adioustant quelque fois avec quelcun diceux mie de pain. Sus le cataplasme vous appliquerez vn drappeau mouillé de aue. Ce remede souuentefois suffit tout seul.

Autre remede.

LAICT meslé avec miel & appliqué
En charpie ou cotton pour abbatre les-
charre sans douleur. Touchant la maniere
de vi

de viure en la diete elle doit preseruer du froid à cause du danger de spasme du temps que les vlceres se mondifient. Par ainsi la malade se tiendra chaudement en la chambre. Le second ou le tiers iour apres il fault embroquer la partie avec eue tiede, auoir remué les premieres applications, puis on appliquera cataplasme de lentilles cuites en eue, meslees avec vn peu de miel. Par dehors il ne fault obmettre fueilles de vigne ou de laictue, qui se continueront iusque les escharres ou croustes soient tombees.

Après cela il est mestier de mettre sus le mal force charpie ou cotton trempé en laict de femme ou d'Asnesse, meslé avec bon huile rosat, en appliquant par dehors vn drappeau bien doux & delié qui soit mouillé du mesme laict pour conseruer plus longuement la vertu de la charpie. En telz accidens à bon droit on euite les medicaments

aspres & mordificatifz & ceux qui sont trop gras, pour autant que les vns & les autres rameinent le mal. En tel cas la pesanteur de beaucoup de drappeaux est griue & moleste. Au temps de suppuration lhuile rosat doit excéder le laiçt. Au contraire, il fault quil y ayt plus de laiçt que dhuile, quand il est question de mondifier. Si la douleur oppresse la malade par dehors, on appliquera sus le cataplasme melilot avec huile rosat & eue, ou avec laiçt de femme. Sil est besoing duser de remedes arides pour cicatrizer, nous auons à cela la cendre de pompholyx ou tuthie tres curieusement luee & seichee, ou cadmia par trois fois brulee & esteinte en huile rosat. Lun de ces deux ou tous deux ensemble bien subtilement puluerisez & dessechez seront appliquez en lulcere. Au reste, la diete conuient telle, que tout le temps de la curation la malade

malade sabstienne de vin, de viandes de difficile concoction, & de boire eae froide. Tandis quon tasche de cicatrizer, il fault fortifier tout le corps, le remplir de bon sang: à quoy seruiron les viandes louables, les exercices, les frottemens, les portemens, & autres choses semblables idoines à refaire le corps.

Du chancre de la matrice.

LE CHANCRE de la matrice non Aeg. lib. 3.
 vlceré demonstre à l'entree dicelle matrice vne telle tumeur quil ha esté dit dessus au chancre non vlceré. Car ce seroit chose superflue de repeter souuent les mesmes paroles. Il y ha grande douleur es aynes, au Les signes.
 dessus du ventre, au petit ventre & es reins. Il se irrite quand on le touche, ou quand on y applique diuers remedes. Les autres signes de ce chancre tant vlceré, que non vlceré
D 3 sont

sont amenez cy dessus. Or comme ainsi soit que selon l'opinion de Hippocrates parauant alleguee du chancre occulte, ceste maladie ne se guerit iamais totalement, il reste qu'on la mitigue en toutes manieres qu'on pourra par fomentations, pessaires, cataplasmes, &c.

Cataplasme fort sedatif de douleur.

DE MAUVE ou de bimaue cuite en hydromel puis apres pistee avec vn peu d'huile rosat ou de fenugrec, ou de ^{de miquelle} lim, ou de dattes cuites en vin cuit.

Autres remedes.

SERA^{tringt} d'huile rosat ou de mirthilles ou de conis fort liquide, ou laiët de femme ou huile rosat seul appliqué par iniection. Pareillement huile violat, ou damandes
douce,

*douces, ou de lin, tout seul ou avec graisse
doison ou de chapon. Item mucilage de
lin, ou de bimaue, ou de passères, ou de-
coction de feuilles ou de racines de lis.*

Pessaire fort mitigatif.

DE SAFRAN, *dopium*, de graisse de
chapon autant dun que dautre
meslez avec laiçt de femme.

*Sil y ha grande chaleur, ou sil y
ha du sang.*

IL FAULT faire iniection ou instilla-
tion de suc tiede de plantain, ou de centi-
nodia, ou de morelle en y meslant aucune-
fois du laiçt, aucunefois vn peu de thus ou
encens. Lesquelz sucz & semblables sera
bon de longuement broyer au Soleil en mor-
tier de plomb, avec piston de plomb, en y
adioustant, si voulez, huile rosat, ou laiçt,

ou les deux comme enseigne Galien au neu-
 uieme liure des simples medecines. Lequel
 remede est souuerain à tout chancre.

Emplastre de tresgrande effica-
 ce, qui est aussi vtile aux ma-
 ladies du siege ou du fonde-
 ment.

℞. Lithargyri. ʒ. ʒj.

Thuris mascul.

Oesypi.

Adipis suilli recentis.

Butyri recentis.

Cera añ. ʒ. ij.

Rosacei. ʒ. iiij.

*La litharge broyee avec suc de cichoree
 se mesle avec le reste estant fondu.*

Emplastre autrement fait, lequel
 est encore plus mitigatif, &
 est tresdoux pour les autres
 chancre

chancres meſme des mam-
melles.

R. *Croci.*

Opij.

Thuris masculi añ. 3. j.

Lithargyri.

Plumbi vsti loti añ. 3. ij.

Ceruse preparata. 3. s.

Cera alba. 3. ij.

Adipis anserini.

Butyri recentum.

Rosacei boni. 3. iiij.

añ. 3. ij.

Les pouldres estant broyees avec suc de
morelle se meslent avec les choses fondues.

OR il ny ha nulle doute que la diete
par le guayac, ou par la racine apoios ne
soit singulierement requise en tout chancre
de plus difficile guerison, & en toute telle

maladie contumace, si elle est deüement administree & selon lart : mais veu qu'une telle cure ne se peult faire seurement sans medecin, & que dautres en ont desia doctement escrit, ce seroit chose superflue de me amuser en cela. Dauant age ie excederoye les termes dun petit traicté.

F. I N.





